

ANG PAGTANUM UG

KAMOTE

Ang kamote daghan ug bitamina mineral ug mga sustansiyang makahatag ug kusog sa lawas. Pang merienda o sud-an ingon sa atsal nga udlot, linung-agon prito, torta, kamote chips, ug tinamisan nga kamote. Maayo usab kining pagkaon alang sa mga hayop.

PAAGI SA PAGTANUM UG PAG-ALIMA

Mahimong itanum and kamote sa tibuok tuig pero labing maayo kon paghuman sa ting-ulan samtang ang yuta basa pa. Maayong itanum and kamote sa tabunok nga yuta.

Bungkala ang yuta hangtud mapino kay makatabang kini sa pagpadaghan ug pagpadako sa unod sa kamote. Magtudling ug 75-100 sentimetro gilay-on sa kada tudling ug paghimo'g puntod sa yuta nga 30-40 sentimetro and gihabugon.

Mahimong itanum ang mga unod sa kamote nga aduna nay mituybong dahon apan mas makadaginot kon ang mga pinutol nga baging maoy itanum.

Itanum ang baging nga pahirig ug nakagawas ang katunga nga parte. Distansiyahi ug 25 sentimetro ang kada tanum.

Mag-abono kung gikinahanglan. Mahimong mogamit ug kumpletong abono nga (14-14-14) o kompost. Kung mogamit ug kumpletong abono, kinahanglan 4-6 ka sakong abono sa kada ektarya.

Idungan ang pagtanum ug pag-abono, hinuon ibutang ang abono 8-10 ka sentimetro ang gilay-on gikan sa tanum dayon tabuni ug yuta.

Gunaha ang mga sagbut ilabina gayud sulod sa unang usa ka buwan ug tunga sa pagtubo sa mga tanum.

Magbomba ug pangpatay sa insekto kung kinahanglan.

Kadaghanan sa girekomendang matang sa kamote maani sulod sa 110- hantud 130 kaadlaw gikan sa pagtanum.

Aron sayon ang pag-ani, kuhaa una ang mga baging ug lukota ingon sa banig.

Daroha ang mga tudling sa pag-ani ug kamote.

Pinaagi sa maayong pag-alima, mahimong moani ug 17 - 20 ka toneladang kamote sa 1 ka ektarya.